

Aoaoga e uiga i le Tulafono a le Faaola o le Sefuluai

Suesue i punaoa nei, ma vaavaai mo mea e mafai ona faaosofia ai oe po o isi e usitai i le tulafono o le sefuluai.

Tusitusiga Paia:

Malaki 3:8–10; Ioane 7:17; Mataupu Faavae ma Feagaiga 119:5–7

Faamatalaga ma isi punaoa:

Na aoao mai Peresitene Steven L. Lund, le Peresitene Aoao o Alii Talavou:



A totogi atoa se sefuluai a talavou, latou te faatuina se so’otaga e tumau ma le Tama Faalelagi. O taimi uma latou te usita’ia ai lena poloaiga ma totogi lena tupe, e fatuina ai se noataga o le ositaulaga ma le sootaga. (Steven J. Lund, “Seminare, Inisitituti, ma Isi Mea e Aoga” [lauga na tuuina atu i le faasalalaua faaletausaga o aoaoga a le Inisitituti Seminare & lan. 27, 2023], broadcasts.ChurchofJesusChrist.org)

Mo Le Malosi o le Autalavou: O Se Taiala mo le Faia o Filifiliga ua fautua mai:

Faali le alofa mo le Atua i le tausaiina o Ana poloaiga. . . .

. . . A o e anapogi ma totogi sefuluai ma taulaga, ua e faali atu i le Atua o Lana galuega e sili atu ona taua ia te oe nai lo mea faaletino. (*Mo Le Malosi o le Autalavou: O Se Taiala mo le Faia o Filifiliga* [2022], 11-12)

A o avea ai o se tasi o Fitugafulu, na fesili ai Elder Stanley G. Ellis:



Pe o i ai so tatou faatuatua e faatuatuaina ai folafolaga a le [Alii] e faatatau i le sefuluai e faapea o le 90 pasene o a tatou tupe faasili faaopopo i ai ma le fesoasoani a le Alii, ua sili atu ai nai lo le 100 pasene *pe a na o i tatou?* (Stanley G. Ellis, “Pe Ua Tatou Faatuatuaina Ea o Ia? O Le Faigata E Lelei,” *Liahona*, Nov. 2017, 114)

Na aoao mai Elder David A. Bednar o le Korama a Aposetolo e Toasefululua:



E pei ona tatou aoao soo atu ma molimau e uiga i le tulafono o le sefuluai, tatou te faamamafa lava le vave, maoae, ma le iloa gofie o faamanuiaga faaletino tatou te maua. Ma e mautinoa lava o ia faamanuiaga o loo tutupu. Ae o nisi o ia faamanuiaga eseese tatou te maua ao tatou ususitai i lenei poloaiga e taua ae e lemafaamatalaina. . . .

Mo se faaitaiga, o se faamanuiaga lemafaamatalaina ae taua tatou te mauaina o le meaalofo faaleagaga o le loto faafetai lea e mafai ai ona tatou talisapaia mea ua tatou maua e faafetaiaia ai manaoga mo mea tatou te mananao i ai. . . .

O nisi taimi atonu tatou te ole atu i le Atua mo le manuia, ma la tuu mai ai ia i tatou le malosi faaletino ma faalemafau. Atonu tatou te augani atu mo le manuia, ma tatou maua ai se vaaiga faateleina ma le faaopopoina o le onosai. (David A. Bednar, “O Faamalama o le Lagi,” *Liahona*, Nov. 2013, 17–18)

O Maria Filitia Samita o le fafine ua oti lana tane o Ailama Samita ma o le tina o le Peresitene o Iosefa F. Samita. Ina ua fai atu se tasi e faapea o ia e mativa tele e tausai le tulafono o le sefuluai, sa ia tali mai:

Pe e te taofia ea au mai le mauaina o so’u faamanuiaga? . . . Ou te totogiina la’u sefuluai, e le gata ona o se tulafono a le Atua, ae ona ou te faamoemoe e maua so’u faamanuiaga i lo’u usitai i ai. (Maria Filitia Samita, na siiina mai e Iosefa F. Samita, i le Lipoti a le Fono, Ape. 1900, 48)

O LE EKALESIA A
IESU KERISO
O LE AU PAIA O ASO
E GATA AI